

բում 11 կաթոլիկի գալիս է 178 բողոքական, այսինքն վերջինները եթե անգամ աւելի են: Պրուսիայում խառն ամուսնութիւնները բոլոր ամուսնութիւնների 1/20 են կազմում և ամեն տարի այնպիսի ամուսնութիւններն աւելի են աճում: պէտք է ի նկատի առնել որ այդ ամուսնութիւններից ծնւած են 520000 մանուկ (1895 թ). որոնցից 620/0 ստանում էին բողոքական և միայն 350/0 կաթոլիկ կրթութիւն: այն ինչ երեսուն տարի առաջ նոյն դէպքերը տալիս էին 55: 45 համեմատութիւն: Հետզհետէ յաճախակի է դառնում մի կրօնից միւսն անցնելու դէպքեր: բայց կաթոլիկութիւնից բողոքական դարձողները 10 անգամ գերակշռում են: Այդպիսի դէպքեր կաթոլիկները հաշւում են 3 միլիոն: իսկ բողոքականները 2 1/2 միլիոն: բայց չպէտք է մոռանալ որ առաջիններինը 300 տարուայ արդիւնք է: իսկ վերջիններինը միայն 100 տարուայ: — Այս բոլոր վիճակագրական տեղեկութիւնների հիման վրայ Սէլլին այն եզրակացութեան է գալիս, թէ արդէն մեր օրերով կատարւում է Մօնտեսիօյի դեռ 1718 թուին, իւր Lettres Persanes-ի մէջ, արած մարգարէութիւնը թէ՛ «կաթոլիկութիւնը դեռ ևս գոյութիւն կունենայ հինգ դար ևս»:

Կարդացուեցան և արտասանուեցան բազմաթիւ ճառեր: որոնց ընդհ. միտքն էր, թէ պէտք է տարածել բողոքականութեան գաղափարը և խիստ մաքառել անդրկրօնականութեան դէմ: մերկացնելով պապականութեան և նորա գործիչներին տգեղ կողմերը:

Ի վերջոյ ժողովը փակուեցաւ հետեւեալ բանաձեւերն ընդունելով.

«Աւետարանական դաշնակցութիւնը ջերմ գգացումներով հետևում է 2ինաստանի բողոքական քորոզիչների վիճակին: Աւետարանի աւետարներները խորին համոզմամբ զոհում են իրենց կեանքը, որ մի նոր ապացոյց է թէ Քրիստոսի աշակերտութեան ոգին դեռ չէ մեռել: Առաւել ևս ցաւ է Դաշնակցութեան համար այն անհեթեթ լուրերը իրր թէ չինական խռովութիւնները բողոքական քարոզիչների նիւթածն է: Դաշնակցութիւնը մեծ յոյս ունի, որ մօտիկ ապագայում ոչ միայն այդ անհեթեթ լուրերը կը հերքուին այլ Գերման ժողովուրդը կհաստատանայ թէ բողոքական քարոզիչները ոչ միայն արգելք չեն 2ինաստանի խաղաղ բարգաւաճման, այլ ընդհակառակն աջակցում են չինական ժողովրդի վերածնութեան»:

Միւս բանաձեւ.

«Հռոմի պապը իւր Հռոմի փոխանորդին Օգոստ 19 (ն. տ.) դրած նամակի մէջ հայհոյանքի տարափ է թափել բողոքականութեան դէմ: Բողոքական դաշնակցութիւնը հրապարակով և վճռապէս բողոքում է դորա դէմ և ցաւում, որ քրիստոնեայ կրօններից մէկի բարձրագոյն սրբազնագործ պաշտօն-

նեան, որն իրեն Քրիստոսի փոխանորդ և խաղաղութեան հայր է կոչում, մի թուղթ է հրատարակել, որի մէջ այնքան անխաղաղաւոր մտեւանդութիւն կայ և այնքան զուրկ է Քրիստոսի ոգուց: Եթէ պապը զարհուրելի է համարում, որ բողոքականութիւնը Խալիսայում հպետական հովանաւորութիւն է վայելում, ապա այս ամենը միայն մի նոր ապացոյց է, թէ՛ ուր պապը կարող է իւր ազդեցութիւնը մոցնել որ և է ազգի քաղաքական կեանքի մէջ, այնտեղ կրօնի և խղճի ազատութիւն փնդուել անստութիւն է»:

ՄԱՅՐ ԱՌՈՒՊ

Նոյեմբ. 20-ին ձեռնարանում գրական երկերով էր հանդուցեալ Ջանշեանի յիշատակին նուիրւած: Հոգևոր Տէրը հաճել էր ներկայ լինել համեստ հանդիսին: Ներկայ էին միաբանութիւնից բարձրատախճան կալիսկոպոսներ և վարդապետներ: Ուսանողներից մէկը գրել էր հանդուցեալ Ջանշեանի կենսագրութիւնը, իսկ ուսուցիչներից՝ պ. Յ. Յովհաննիսեան մի ծառով բացատրեց հանդուցեալի գրաւոր գործունէութեան նշանակութիւնը՝ որպէս ուսու հրապարակախօս և գրող և որպէս հայ գործիչ՝ զլիաւորապէս որրերի պաշտպան: Նորա երկերի մէջ նշանաւորագոյններն են Изъ Эпохи Великихъ Реформъ և Братская Помощь страдающимъ Армянямъ. Այս երկու գրքերն էլ բնորոշում են հանդուցեալի գրական գործունէութիւնը: Աշակերտներից՝ ուսանող ուսանաւորներ արտասանեցին: Հանդիսի վերջում Ս. Հայրապետը օրհնեց հանդուցեալի յիշատակը: Հ. Կոմիտաս վարդապետի ղեկավարութեամբ երգեցիկ խումբը ժողովրդական քառաձայն երգեր էր երգում: Հանդիսից յետոյ՝ Հոգևոր Տէրը հաճեց մի քանի բոպետով հանդստանալ հ. տեսչի սենեակում: ներկայ ուսուցիչները համբուրեցին Ս. Հայրապետի աջը և նորա օրհնութիւնն ստացան: Ս. Հայրապետի ձեռնարանում եղած ժամանակ բոլոր աշակերտները կանգնած էին միջանցքում կարգով իսկ երգեցիկ խումբը Հայրապետի անուան նուիրւած և ուրիշ ժողովրդական երգեր էր երգում: Համեստ գրական երկերով ձեռնարա-

նականներն համար կատարեալ ուրախութեան տօն էր դարձել Հայրապետի հայրական այցելութեան պատճառով:

Դեկտ. 2-ին աշակերտական գրական երեկոյթ էր նշանակուած ձեմարանում Ս. Թադևոսի և Բարդուղիմէոս աստուծայնի տօնի պատճառով: Ասարանական ուսանողներէց երկուսը տօնին պատշաճ ծառեր խօսացին, իսկ փոքրներից մի քանիսը կրօնական բանաստեղծութիւններ էին արտասանում: Ս. Հայրապետը այս անգամ ևս հաճեց միարանական ուխտիւ ներկայ լինել հանդիսին և զանազան նկատողութիւններ արաւ աշակերտների արտասանութեան մասին: Հանդիսի վերջին Ն. Ս. Օծութիւնը օրհնեց ձեմարանի ուսուցչական խումբն ու աշակերտութիւնը:

Երկու շաբաթից ի վեր Մայր Աթոռում հիւր է «Բանասէր» ուսումնական թերթի հրատարակիչ և խմբագիր պ. Յ. Կ. Բասմաջեան: Պարոնը լուսանկար և Էսթաճաճ պատկերներ է հանում Մայր Աթոռում գտնուած՝ և Զուարթնոց եկեղեցու նորագիւտ սեպագիր արձանագրութեանց: Պ. Բասմաջեան հայագիտութեան տոկուն աշխատաւորներից մէկն է, չնայելով նորա նիւթական միջոցների սղութեան՝ ջանասիրութեամբ առաջ է տանում իւր գիտնական թերթը և այսուհետեւ յոյս ունի աւելի ծոխ և մատչելի դնով հրատարակելու: Յաջողութիւն ենք ցանկանում և մաղթում, որ նորա տաժանի գործը զնահատուի մեր բանասէր և բանիմաց հասարակութեան կողմից:

ԽՄԲԱԳՐՈՒԹԻՒՆ «ԱՐԱՐԱՏ»-Ի.

«Մշակ»-ի № 229-ի մջ Տ. Յ. մի շատ գեղեցիկ միտք է յայտնում հանգուցեալ Խորէն եպիսկոպոս Ստեփանէի կտակի առթիւ: Խորէն Ստեփանէ և Սարգիս Զալալեան եպիսկոպոսները իւրաքանչիւրը 25 հազարական բուրլի են կտակել այլ և այլ հաստատութիւնների անունով, երբ իրենց զբամբը 125 կամ 130 տարուց յետոյ կշահուի և մեծ գումարների կհասնի: Պ. յօդուածագիրը կտակողների կողմից անարդարութիւն է համարում այդ՝ ժամանակակից սերնդի դէմ:

Եթէ 25000 բուրլին շահ է բերելու հարիւր և աւելի տարիների ընթացքում, մի՞թէ այն բարի գործը, որ կարող էր կատարուել հէնց այժմ այդ 25000 բուրլով, շահ չէր բերելու հարիւր և աւելի տարիների ընթացքում: Մի՞թէ երբ գուր հնարաւորութիւն է, ք տալիս մի գիւղացու վերականգնել իր քայքայուած տնտեսութիւնը, մի ուսանողի շարունակել իր ուսումը, մի խեղճ կնոջ՝ չը ծախել իր պատիւը իր որբերին կերակրելու համար, մի հեղինակի՝ տպել իր գիրքը և այլն և այլն,—մի՞թէ, ասում ենք, դուք դրանով օգնում էք միայն այդ զիւղացուն, միայն այդ ուսանողին, այդ կնոջ, այդ հեղինակին, և ոչ թէ նրանց միջոցով նոյնպէս և նրանց շրջապատողներին և նրանց ապագայ սերունդներին: Դէ հաշուեցէք այժմ գործի այդ տոկոսը ու համեմատեցէք նրան փողի առկոսի հետ, և կըտեսնէք, որ գործի տոկոսը աւելի մեծ է:

Ահա միանգամայն համաձայն ենք Տ. Յ.-ի մտքերի հետ: Այդպիսի կտակների մեծագոյն մասը կորչում է և մենք շատ օրինակներ ունինք հէնց մեր կեանքից, այն ինչ կտակը ժամանակակիցների համար գործադրելով ոչ միայն կորուստից ազատ է, այլ և ինքնըստինքեան շահ, ինչպէս պ. յօդուածագրի վերոյ գրեալ խօսքերն են ցոյց տալիս:

